



UNIVERSITÄTS-
BIBLIOTHEK
PADERBORN

Universitätsbibliothek Paderborn

Mater Amoris Et Doloris

Ginther, Anton

Augustæ Vindelicorum, 1711

VD18 15312348

Consideratio LXVIII. B. Virgo in SS. Scapulari clientibus suis in hac & in altera vita benigna Mater est. Emblema. Clypeus Josue in castris elevatus, per quem urbem Hai expugnavit, cum inscripto. ...

[urn:nbn:de:hbz:466:1-47286](https://nbn-resolving.org/urn:nbn:de:hbz:466:1-47286)



CONSIDERATIO LXVIII.

B. Virgo in SS. Scapulari clientibus suis in hac & in altera vita benigna Mater est.



Clypeus est sperantibus in se. Prov. 30. 5.

David formâ egregiâ adolescens, cui non minùs auctoritatis, quàm gratiæ inerat, cùm contra Goliath Philistæum, immanem illum gigantem in arenam nunc descenderet, singulari cum illo dimicaturus duello, priùs sese ad hanc pugnam baculo suo pastoricio, quinque limpidissimis lapidibus, fundâ & perâ armavit, quibus armis & Dei potissimùm protectioni confusus generoso animo hostem suum aggressus est, & potenti virtute superavit: *Trajectò que cavo terebravit vulnere frontem. Audi Scripturam:*
Mater Dolorosa. Aaaa pturam:

N.

a. Reg. 17. 49. peram: *Et misit manum suam in peram, tulitque unum lapidem, & fundam jecit, & circumducens percussit Philistæum in fronte, &c.*

Job. 7. 1. Anima Christiana! Et nunquid militia est vita hominis super terram?

Pugnandum tibi erit, nolis, velis, cum dæmone, carne, mundo, morbis, tentationibus, aliisque innumeris periculis ac miserijs, ac tandem cum ipsa morte; proinde maturè in rem & salutem tuam vigila, arque de armis, quibus inimicos tuos expugnare valeas, tibi provide; arma autem Christiani hominis potissimè sunt baculus, quinque lapides, funda & pera. Per baculum Davidis D. Augustinus crucem

S. Aug. serm. 197.

Dominicam subaudit, sicut enim canis baculum, sic diabolus formidat crucem; per quinque lapides rectè quinque SS. Christi Vulnera intelliges, per fundam SS. Rosarium, & per peram SS. Scapulare, quibus spiritualibus instructus armis infernalem Goliath, omnesque hostes tuos facili conatu superabis.

Annal Angliæ. l. 7. c. 5.

De Arcturo Angliæ Rege recensent Britaniæ Annales, quòd clypeum sibi parari jussit, in cujus interiore facie B. Virgo cum JESU parvulo Filio eleganti penicillo erat depicta, in quam SS. Deiparam quoties in bello aliquod imminere periculum, Rex oculorum aciem conjiciebat, ejusque opem impensius implorans de hoste gloriose triumphabat. Contigit aliquando, cum in cruento prælio milites jamjam meditarerentur fugam, ut Rex inverso scuto pretiosissimæ Virginis ac Deiparæ imaginem trepidantibus ostentaret militibus, elatâ exclamans voce: *Ecce quâ nos militamus*; ad cujus beatissimæ Virginis & dulcissimi Filij conspectum milites de novo confirmati, resumpto animo in hostiles irruere turmas, & inimicum exercitum ingenti clade profligarunt: Cui clypeo exinde Rex hæc verba insculpi voluit: *MARIA* *Sanctus patriæ*

P. Andr. à S. Theres. Carmel. & pluras alij.

Hunc Arcturum Regem anno salutis nostræ 1620. in pugna ad Pragmam probè imitatus est Venerabilis P. Dominicus à JESU MARIA, Carmelitarum Discalceatorum Generalis ac Præpositus dignissimus, vir morum innocentiam & sanctitatis famâ notissimus, qui in cruento illo prælio, in quo à Serenissimo Bavarie Duce Maximiliano ressera militaris *Sancta MARIA* erat, non duntaxat exercituum Dominum in cruce sublimem, tanquam anteambulonem, sed & in pectore pro lorica & scuto inexpugnabili B. Virginis *MARIÆ* effigiem præferebat, quorum ope acies hostiles pulsæ, hostis cæsus, & insignis victoria in summum Reipublicæ Catholicæ commodum reportata est in Octava omnium Sanctorum, Domina 22. post Pentecosten, ubi Evangelium can-

tari solet: *Reddite ergo, quæ sunt Casaris, Casari, & quæ sunt DEI, DEO*; Luc. 20. 25. quam ex in defacram Deiparæ imaginem Serenissimus Bavaricæ Dux & paulo post S. R. I. Elector Maximilianus hoc inscripto exornavit: *Clypeus est sperantibus in se, cui Divæ Virgini & Matri, Carmelitarum gloriæ & Ecclesiæ Orthodoxæ protectrici pro Emblemate scutum mucronatum, prominente in ejus medio cuspide, subijcimus cum inscripto: Tutatur & armat; vel scutum Josue, quo urbem Hai expugnavit: Leva clypeum contra urbem Hai, quoniam tibi tradam eam, cum Lemmate:*

Præsidium & decus.

Ira, ô beatissima Virgo, in SS. Scapulari & nobis scutum & lorica es, tutans & armans, defendens & arcens, tutela, decusque.

2. David invictissimus belli Dux, ubi ad regale solium erectus est, in urbe Solymæa juxta artem Sion fortissimam turrim ex quadris lapidibus ferro & plumbis indissolubiliter compactis, cum propugnaculis construxit, ex qua non gladios aut lanceas, non arcus aut tela, neque alia instrumenta bellica, sed meros clypeos appendit: *Mille clypei pendent ex ea: Omnis armatura fortium.* Ad quid, obsecro, tot clypei in Davidica turri? Si litteram inspicis, David scuta illa bellica non tam ad terrorem inimicorum, quam ad splendorem civitatis suæ in eminentiori turris loco suspendit. Verùm SS. Patres per hanc turrim Davidicam communiter cum Ecclesia SS. Deiparam intelligunt, quæ *terribilis est ut castrorum acies ordinata, ex qua mille clypei pendent: Mille clypei,* ait S. Doctor Angelicus, *sunt mille remedia contra quævis pericula ex beata Virgine pendentia.*

Eques ille optimis adornatus operimentis, qui contra impium Heliodorum, orantibus Machabæis, pugnabat, *Videbatur arma habere aurea.* Alias videbantur in aëre per quadraginta dies *curfus equorum per ordinem digestos, & congressiones fieri cominus, & scutorum motus, & galeatorum multitudinem gladijs districtis & telorum jactus, & aureorum armorum splendorem, omnisque generis loricarum.* Alias etiam *resul-* sit sol in clypeos aureos & areos: *resplenduerunt montes ab eis, & resplenduerunt sicut lampades ignis.* O Virgo pretiosissima! tu in Archifraternitate benedicti Scapularis tui clientibus tuis non galea & lorica tantum, sed & scutum aureum es, galea enim solum caput regit, lorica pectus & humeros, sed scutum integrum tutatur corpus; erant enim antiqua illa scuta bellica tantæ magnitudinis, ut unum eorum totum hominem

Aaaa 2

facile

S. Fulg. 1. 4.
Mytholog.
S. Antonin.
serm 2. de
Coronat.
MARIE.

facile tegetet, atque à telis totum corpus defenderet: Talis, inquam, clypeus ò beatissima Virgo de monte Carmelo es, totum corpus Ecclesiæ protegens, & mundum tuo tutans patrocinio: *Dudum*, ait S. Fulgentius, *cælum & terra ruisent, nisi MARIA precibus sustentasset*; & S. Antoninus: *Data est tibi, ò Domina, omnis potestas in cælo & in terra, ut quidquid volueris, valeas efficere.*

3. Cæterum varij varia in suis clypeis ac signis gentilitijs volebant pingi, ac insculpi Symbola. Wenceslaus Imperator in scuto suo navim incidi voluit cum Lemmate: *Ventis parendum.* Otto Wittelsbachius apud Lukium Equum Trojanum cum inscripto: *Audendum.* Alexander de Medicis primus Herrutiæ Dux Rhino cerotem cum epigrapha: *Non redeo nisi victor.* Stanislaus Hossius venationis amans, venatorem humeris cervum portantem cum Lemmate: *Onus meum leve.* Olympia Ursina in scuto suo flammam adumbrari voluit acuminatam, cui inscripsit: *Nunquam deorsum.* In scuto Lacedæmonum erat exaratum: *Aut in hoc, aut cum hoc.* In scuto Myrtili: *Auxilium nunquam deficiens.* Veneti in clypeo suo canem quondam præsentabant acuminato torque armatum cum Lemmate: *Sauciat, & defendit.* Comes Abenspergicus, ubi Ratisbonæ Cæsaris militiæ & obsequio duos & triginta filios donavit, pro Symbolo aquilam cum pullis suis, solem intuentibus, adumbrari iussit cum Lemmate: *Fideles omnes, generosi omnes.* Romani etiamnum hodie in scuto suo gentilitio has quatuor tenent litteras: S. P. Q. R. Originem hujus Emblematis ex Joanne Carthagena accipe: Sabini, gens generosa & bello affueta, cum contra Romanos cruentum quondam bellum gererent, in scutis ac vexillis suis has quatuor litteras pingi, & insculpi voluerunt: S. P. Q. R. quod idem est: *Sabino Populo Quis Resistet?* quibus ex altera parte Romani ad bellum provocati eisdem verbis in vexillis & clypeis suis exaratis, respondebant: S. P. Q. R. hoc est: *Senatus Populusque Romanus.* Fit pugna, vincunt Romani, subjugantur Sabini, & ut perpetuam dicti Romani ex hac parta insigni victoria haberent memoriam, ejusmodi quatuor litteras S. P. Q. R. in suo scuto gentilitio in Capirolio & passim super palatiorum portas adhuc hodie conservant.

Anima Christiana! hinc rogo te, subsiste paulisper, & attentiore mente hæc moderna ac ferrea tempora considera, in quibus ob demerita nostra à justissimo Numine assiduis conterimur bellis; & nunquid Deus districtissimus scelerum Vindex in scuto & vexillo, quod contra nos crexit modò, has quatuor nobis exhibet litteras: S. P. Q. R. quas
ita

ira expono : *Scelera Punituro Quis Resistet?* Non Angeli, non Sancti, non mortales & creaturæ omnes. Pentapolim consule igne cœlesti sub-
versam, mundum universum per cataclysmum submersum, atque
 alia sexcenta, imò innumera flagella, quibus rebellem mundum om-
 ni tempore castigavit Deus, unde rectè Baalam : *Cujus fortitudo similis*
est Rhinocerotis, quod fortissimum ac ferocissimum animal à nullo ho-
 minum domari, aut teneri potest : *Cornua Rhinocerotis cornua illius*,
in ipsis ventilabit gentes usque ad terminos terra.

Gen. 19. 25.

Gen. 7. 23.

Num. 24. 8.

Deut. 33. 17.

Ecclesi. 15. 2.

Josue. 2. 21.

Verùm confidite Clientes Mariani, præsertim qui clypeum salu-
 tis, SS. Scapulare gestatis, confidite, inquam, ecce beatissima Virgo
 de monte Carmelo *obviat vobis quasi Mater honorificata*, & irato Na-
 mini ac dulcissimo Filio aliud monstrat vexillum ac scutum, in quo pa-
 riter quatuor illi characteres auro sunt consignati: S. P. Q. R. quasi diceret:
 Fili mi! si solam attendis justitiam semorâ omni misericordiâ, rectè
 humanum deles genus, & quis resistet tibi : *Scelera Punituro Quis Re-*
sistet? Sed ecce tibi exhibent fratres mei in Sacro Scapulari aliud vexil-
 lum & salutis scutum, in quo pari modo quatuor illæ sunt piæ litte-
 ræ: S. P. Q. R. hoc est : *Scapulare Portans Quando Rogat*; & quemad-
 modum funiculus ille coccineus in excidio Jeruchuntino universæ do-
 muî Rahab salutis signum extitit : *Appendit funiculum coccineum in fene-*
stra; ita & benedictum Scapulare, si quis devotè gerit, piè & Christia-
 nè vivit, *signum salutis est, salus in periculis, sædus pacis & pæci sem-*
piterni.

4. Videtur mihi SS. Deipara in Archifraternitate SS. Scapularis,
 ut quondam Rebecca, de qua Sacræ Pagiæ commemorant, quòd hæc
 sollicita Mater dilecto filio suo Jacob vestimenta valde bona & odorata
 procuraverit : *Et vestibis valde bonis, quas apud se habebat domi, induit*
enim, pelliculâsque hædorum circumdedit manibus, & collinuda protexit,
 ut sic faciliore modo supremam à Patre moribundo reciperet benedictio-
 nem. Sed neque irritus fuit Matris ille conatus, statim enim ut pater
 sensit vestimentorum illius fragrantiam, benedicens illi ait : *Ecce odor filij*
mei sicut odor agri pleni, cui benedixit Dominus : Det tibi DEUS de rore
cali, &c.

Gen. 27. 15.

En pulcherrimam figuram in RR. PP. de monte Carmelo, & in
 Confratribus SS. Scapularis adimpletam, quibus tanquam filijs suis
 præ cæteris dilectis pièntissima Virgo & sollicita Mater de vestibis val-
 de bonis & virtutum odore fragrantibus providit, & colli nuda bene-
 dicto

R. P. Joan.
Bapt. de Le-
zana de Pri-
oratu B.V.
& passim
aly.

dicto Scapulari suo, ceu scuto protexit. Originem hujus Archifraternitatis sic accipe. Anno à partu Virgineo 1240. in Ecclesia DEI floruit beatus Simon Stock Anglus, Sacri Ordinis Carmelitarum Prior Generalis, qui, cum SS. Virginem Deiparam impensius coleret, ac demissimis precibus ab ea flagitavit, ut aliquod amoris signum monstrare digneretur, cui SS. Virgo Angelorum stipata catervis, & immenso circumdata splendore apparuit, eique Scapulare Ordinis tradidit, dicens: *Accipe dilectissime, hoc tui Ordinis Scapulare, meæ Contraternitatis signum, tibi & cunctis Carmelitis privilegium: In quo quis moriens æternum non patietur incendium. Ecce signum salutis, salus in periculis, fœdus pacis & pacis sempiterni.* Hac cœlesti veste indutus B. Simon tam insigne donum & peculiare amoris erga se ac Sacrum Ordinem mementum palam deprædicare cœpit; hinc factum est, quòd non cives tantùm, & agrestes, sed & Imperatores, Reges, Duces, Magnates, Illustres ac Nobiles utriusque sexûs, imò & Summi Pontifices ad hanc Sodalitatem convolârunt, & Sacrum Scapulare receperint. Observat autem hic rectè de Lezana, quòd prædicta verba beatissimæ Virginis non simpliciter & absolutè, prout jacent, sint intelligenda, sed quantum ex parte Virginis & efficacissimæ ejus intercessionis pro illis Contratribus, qui non gentiliter, sed Christianè vivunt, mandata Dei observant, & simul devotè SS. Scapulare gestant, adimplentes leges & statuta Sodalitatis Marianæ, illi sunt veri filii MARIÆ, cœlestis illius Rebeckæ, quibus à Dilectissimo Filio suo Christo JESU omnem benedictionem impetrabit: *Ecce odor Filij mei sicut odor agri pleni, cui benedixit Dominus.*

Josue. 25. 19.

5. Verùm non solùm faver SS. Deipara hinc in vita suis clientibus sacrum Scapulare gestantibus, sed & defunctis per potentissimam suam intercessionem mirè solet esse propicia. Caleb filia suæ Axæ, dum Othonieli viro fortissimo nupserat, pro dote & hæreditate terram irriguam assignavit: *Da mihi benedictionem: Terram australem & orientem dedisti mihi, junge & irriguam. Dedit itaque Caleb irriguam superiùs & inferiùs.* Confide Contraternitas SS. Scapularis titulo Dei Genitricis decorata, tu es illa Axa Sponsa, cui Dominus pro dote dedit irriguum superiùs & inferiùs, seu supra & infra; superiùs hinc in terra pro fratribus & sororibus tuis adhuc in vita degentibus quàm plurima privilegia, communicationem bonorum operum, precum, suffragiorum & cæterorum bonorum spiritualium, & inferiùs in purgatorij flammis existentibus proximo post obitum Sabbato liberationem. Juvat hinc pro as-

ferti

ferti confirmatione audire diploma Pauli V. Pontificis Maximi, quod incipit: *Patribus Carmelitum populus Christianus potest pie credere de adiutorio animarum Fratrum & Confratrum Sodalitatis B. M. V. de monte Carmeli, videlicet beatissimam Virginem animas Fratrum & Confratrum in charitate decedentium, que in vita habitum gestaverint, & castitatem pro suo statu coluerint, Officiūque parvum de B. M. V. recitaverint, vel si recitare nesciverint; Ecclesia jejunia observaverint, & feria 4. & Sabbato à carnibus abstinnerint, nisi ubi in ijs diebus Nativitatis Domini Festum inciderit; suis intercessionibus continuis, piisque suffragiis & meritis, ac speciali protectione post eorum transitum, præcipuè in die Sabbati, qui dies ab Ecclesia eidem B. Virgini dicatus est, adiuturam.*

Diploma
Pauli V.
Pont. Max.
editum. añ.
Dom. 1612.

De Jeremia refert Sacer Codex, quod eum in lacum Melchiæ projecerint, in quo non erat aqua sed lutum, ut ibi in cœno usque ad colulummersus moreretur; sed Abdemelech ejus miserus veteres submitfit pannos, quos per funiculos ad Jeremiam demisit, & sic eum de lacu miseriam & de luto fœcis rursus in lucem eduxit: *Et extraxerunt Jeremiam funibus, & eduxerunt eum de lacu.* Per hunc lacum & obscurum barathrum rectè purgatorium intelligimus, in quod veteres dimittimus pannos, dum per SS. Scapulare & merita B. Virginis Deum rogamus, quatenus animas de lacu hoc inferiori & umbra mortis misericorditer liberare dignetur. Oportet hinc audire Bullam Clementis VII. *Die quo à seculo hujusmodi purgatorium accesserint, ipsa Virgo gloriosa Dei Genitrix MARIA Sabbato sequenti post illorum Confratrum seu Religiosorum ac Sororum obitus, visitando, à pœnis purgatorij hujusmodi eorum animas liberabit.*

Jerem. 38. 15.

Bulla Cle-
mentis VII.
an. D. 1525.

Recordor hinc Petri Apostolorum Principis, qui, cum aliquando non haberet, quo vestigal seu didrachma in Capharnaum solveret, iussu Magistrum sui hamum in mare misit, & in pisce capto staterem invenit: *Vade ad mare, & mitte hamum, &c.* Anima Christiana! imitare Petrum, prehendere hamum, SS. Scapulare, mitte illud in mare, hoc est, attestante D. Thoma Aquinate, in purgatorium, verè mare amarum, *Quia nullus, ait idem, in toto mundo amarior cruciatus invenitur, & eris pisces & animas capiens.*

Matt. 17. 27.

S. Th. in
Suppl. tertia
partis.

6. Elisæus ope pallij Eliæ, quod ab ascendente in cœlum ad sui memoriam huic dignissimo Discipulo relictum fuerat, Jordanem divisit, sicque pede eum transivit: *Et levavit pallium Eliæ, quod ceciderat ei: reversusque stetit super ripam Jordanis, &c.* Si vis anime mi! secure Jordanem (quod nomen idem est, quàm flumen judicij) in mor-

4. Reg. 2. 13.

te tua transire, arripe pallium Eliæ, hoc est, benedictum Scapulare, serva regulas, ac Christianè vivas, & tutus ante tribunal Christi comparebis.

Loth Abrahami fratri è Sodoma egredienti Angeli suasere, ut, si vitam & animam suam ab incendio salvare velit, ad montem se recipe-
Gen. 19. 17. *ret: In monte salvum te fac, ne & tu simul pereas.* An non mundus ille
1. Joan. 5. 19. immundus similis est Pentapoli plenus iniquitatibus? *Mundus totus,*
Cornel. hic. ait dilectus Christi Discipulus, *in maligno positus est,* ubi S. Augustinus legit: *In malo igne positus est,* & Cornelius: *Experientia nos docet quàm mundus instar Sodome plenus sit cupiditate, superbiâ, fraude, luxuriâ, gulâ, avaritiâ, omnique malo, &c.* Si vis ergo anime militer tot tentationes & pericula salvare animam tuam: *In monte salvum te fac, ne & tu simul pereas,* hoc est, in monte Carmeli per SS. Scapulare, quod est clypeus & signum salutis, *in quo quis moriens æternum non patietur incendium.*

Abiathar Sacerdos, quia contra Salomonem cum Adonia conspiravit, eumque in Regem unxit, pœnam mortis ob læsæ majestatis crimen commertus est, sed quia Davidi quondam fidelis extitit, & Arcam Domini portavit, ideo in vita à Salomone conservatus fuit:
3. Reg. 2. 26. *Abiathar quoque Sacerdoti dixit Rex: Vade in Anathoth ad agrum tuum, equidem vir mortis es, sed hodie te non interficiam, quia portasti Arcam Domini DEI coram David patre meo.* O Christiani! toties rei facti sumus criminis læsæ Divinæ Majestatis, quoties lethale admisimus delictum; quòd autem de facto non in igne gehennali commertas perfolvamus pœnas, gratias agamus Deo nostro & Judici Christo, qui ob gratiam & intercessionem SS. Matris suæ adhuc nobis pœnitentiæ spatium benignè indulgit: *quia portavimus Arcam Domini,* hoc est, Sacratissimum Scapulare.

7. De muliere illa Sarephtana pia & religiosa reconsent Rogum Annales, quòd Eliam Prophetam à facie Jezabelis fugientem non duntaxat hospitio receperit, sed & famelicum, posthabito quoque propriæ vitæ periculo, paverit: *Surge, & vade in Sarephta Sidoniorum, & manebis ibi, præcipienim ibi mulieri viduæ, ut pascat te.* Subintrat hic Auctor gravis Arnoldus Bostius hisce verbis Sacratissimam Deiparam alloquens: *Tu es illa Sarephtana, quæ etiam modò Patri Eliæ in filijs præbes refocillamen & hospitium,* &c. Non hic tantùm in hac mortali vita sedulam filiorum Eliæ in SS. Scapulari curam gerens, sed & in altera quanto cyùs illis æterna procurans gaudia. Audi, & perpende Cliens Mariane! quomodo pius Auctor Ludóvicus Blosius nomine ipsius Sa-
3. Reg. 17. 9.
Arnol. Bost.
in suo de Pa-
tronat Virg.
lib. c. 1.
Lud. Blos. in
Monit. c. 12.

cratissimæ Deiparæ restetur: Ego omnibus, qui mihi piè & sanctè deser-
 viunt, volo in morte fidelissimè tanquam Mater piissima adesse, eosque pro-
 tegere, ac consolari; imò & post mortem suis devotis Sodalibus in pur-
 gantibus illis flammis existentibus benignissima Mater est, ita ipsa ad
 S. Birgittam: Sum Mater omnium, qui sunt in purgatorio; quia omnes
 pœnæ, quæ debentur purgandis pro peccatis suis, in qualibet hora propter
 preces meas quodammodo mitigantur. Age ergo, quisquis es, homo
 Christiane! imitare consilium, quod Naamo Syriæ Principi forti &
 diviti sed leproso dederunt servi: Pater, si rem grandem tibi dixisset Pro-
 pheta, certè facere debueras; quantò magis, quia nunc dixit tibi: lava-
 re, & mundaberis, Hoc & ego tibi dico: Si rem grandem tibi dixis-
 sem, certè facere debueras, quantò magis, quia nunc dico tibi:
 Accipe Scapulare, observa regulas, & eternum non
 patieris incendium.

Lib. 4. Revel.
cap. 138.

4. Reg. 5. 13.



Mater Dolorosa.

Bbbb

CON-